

Come Wi Goh Dung Deh

Linton Kwesi Johnson

Come, wi go dung deh
Mek wi tek a ride dung deh
Come, wi go dung deh
Mek wi fahwahd dung deh
We nuh bad it up a bad it up a bad it up
Come, wi go dung deh

De peepple dem a bawl fi food dung deh
Dem cyaan get no food but food dung deh
De peepple dem a bawl fi work dung deh
Dem cyaan get no work but work dung deh
De peepple dem a bawl fi shelta dung deh
Dem cyaan get a room but palace dung deh
De peepple dem a bawl fi mercy dung deh
Dem cyaan get no mercy, mercy no dung deh

Come, wi go dung deh
Mek wi tek a stride dung deh
Come, wi go dung deh
Mek wi fahwahd dung deh
We nuh bad it up a bad it up a bad it up
Come, wi go dung deh

De peepple dem a fite fi work dung deh
De peepple dem a fite wananada dung deh
De peepple dem a fite fi stay alive dung deh
De peepple dem a fite fi dem rites dung deh
De peepple dem a fite oppression dung deh
De peepple dem a fite fi dem life dung deh
De peepple dem a fite fi suvvie dung deh
De peepple dem a fite dem a fite dung deh

So come, wi go dung deh
Mek wi mek a stap dung deh
So come, wi go dung deh
Mek wi fahwahd dung deh
We nuh bad it up a bad it up a bad it up
Come, wi go dung deh